

**TUPROQQA ZAMONAVIY ISHLOV BERISH ORQALI ENERGIYA
SAMARADORLIKKA ERISHISH TEXNOLOGIYASI**

N.I.Berdimurodov
*Qarshi muhandislik-iqtisodiyot instituti
QXM fakulteti magistranti*

Annotatsiya: Maqolada butun dunyo bo'ylab, qishloq xo'jalik amaliyotida ekinlarni ekishdan oldin dala yerlariga asosiy ishlov berish bilan birga tuproqni ekishga tayyorlashning resurstejamkor texnologiyalari va ularni amalga oshiradigan texnika vositalarining yangi ilmiy-texnikaviy asoslarini ishlab chiqishga yo'naltirilgan ilmiytadqiqot ishlari natijalari asosida tuproqqa ishlov berish, uni ekishga tayyorlashda energiya-resurs tejamkorlikka erishish yo'llari va uning chora-tadbirlari keltirilgan.

Kalit So'zlar: ishlov berish, tuproq, energiya, resurstejamkorlik, ilg'or texnologiya, mexanik ishlov, eroziya, ag'darmasdan ishlov berish, unumdoorlik.

KIRISH: Qishloq xo'jalik ekinlarini yetishtirish, ulardan yuqori hosil olish uchun tuproq unumdoorligini saqlagan holda energiya-resurs tejamkor va ish unumi yuqori bo'lgan tuproqqa ishlov berish mashinalarini ishlab chiqish va qo'llash jahonda yetakchi o'rinni egallamoqda.

Respublikamiz qishloq xo'jaligi ishlab chiqarishida mehnat va energiya sarfini kamaytirish, resurslarni tejash, yerlarni ilg'or texnologiyalar asosida ekishga tayyorlash qishloq xo'jalik ekinlarini ilg'or texnologiyalar asosida yetishtirish va yuqori unumli qishloq xo'jalik mashinalarini ishlab chiqish yuzasidan keng qamrovli chora-tadbirlar amalga oshirilib, jumladan, dalalarni ekishga tayyorlashda tuproqqa asosiy ishlov berish va bir vaqtida uni ekishga tayyorlash orqali kam energiya sarflab, barcha texnologik jarayonlarni sifatli bajarilishini ta'minlaydigan texnik vositalarni ishlab chiqishga alohida e'tibor qaratib kelinmoqda [1].

Qishloq xo'jaligi mahsulotlarini yetishtirishda eng ko'p mehnat va energiya talab qiladigan texnologik jarayonlardan biri - bu tuproqqa ishlov berish hisoblanadi. Qishloq xo'jaligi ishlab chiqarishida mehnat va energiya xarajatlarining 70 foizi ekinlarni yetishtirish uchun sarflanadi, shu jumladan, tuproqqa ishlov berish esa uning 40 foizini tashkil etadi. Hozirgi zamon jahon amaliyotida tuproqqa ishlov berishda energiya va resurstejamkor, tuproq unumdoorligini oshiradigan, tuproqni ekologik himoyalaydigan texnologiya va texnik vositalarni ishlab chiqish hamda qo'llash yetakchi o'rinni egallaydi [2]. Energiya va resurstejamkorlik traktor va qishloq xo'jalik mashinalarining yurish qismlari ta'siri ostida tuproqning zichlashishini oldini olish, mexanik ishlov berish sonini kamaytirish, tuproq unumdoorligini saqlash, tuproqni himoya qilish, suv va shamol eroziyasini oldini olish, ishlab chiqarish xarajatlari va

qishloq xo'jaligi mahsulotlari tannarxini pasaytirish uchun eng dolzARB, muammolardan biri hisoblanadi.

MUHOKAMA: Bir necha o'tkazilgan ilmiy-texnik va patent adabiyotlari tahliliga ko'ra, tuproqqa ishlov berishda tejamkorlik omillari energiya-tejamkorlik va resurstejamkorlikdan iborat. Tejamkor texnologiyalar tuproqning unumdar qatlami va namlikni saqlashga, suv va shamol eroziyasiga qarshi kurashishga yo'naltirilgan bo'lishi kerak. Bunday texnologiyalarda har bir operatsiya ish organlari bilan tuproqqa ag'darib yoki ag'darmasdan ishlov berish orqali amalga oshirilishi mumkin. Ayrim texnologiyalarda esa, dala yuzasida o'simlik poyalari va ildiz qoldiqlarini saqlagan holda, tuproqqa nol yoki minimal ishlov berishni qo'llash asosida bajarilishi mumkin [3].

Qishloq xo'jaligining asosiy vazifasi - tuproqqa sifatli ishlov beradigan va uni ekishga to'liq tayyorlaydigan energiya va resurstejamkor texnologiyalarni ishlab chiqish va joriy etish hisoblanadi.

Resurstejamkorlik - O'zbekiston iqtisodiyotining ustuvor vazifalaridan biridir. Bu avvalo, ko'plab resurs manbalarining noyobligi bilan bog'liq bo'lib, ularning asosiyлари 1-rasmda keltirilgan. Oxirgi yillarda jahon amaliyotida nol ishlov berish va to'g'ridan-to'g'ri ekish maydonini ko'paytirish tendensiyasi yaqqol ko'rinishmoqda. Ammo, bunday ishlov berish usullarida begona o'tlar ko'payadi, bu esa gerbisidlar va o'simliklarni himoya qilish vositalaridan ko'proq foydalanishni talab qiladi, natijada mahsulot tannarxi sezilarli darajada oshadi [4].



1-rasm. Tuproqqa ishlov berish va uni ekishga tayyorlashda asosiy tejamkorlik omillari

Qishloq xo'jaligi ekinlarini yetishtirishda foydalanish harajatlarini kamaytirish uchun bir o'tishda bir nechta texnologik operatsiyalarni bir vaqtida bajarish, shuningdek, tuproqni himoyalab ishlov berish texnologiyalari va eroziyaga qarshi kurash mashina-quollarini ishlab chiqish va joriy etish muhim ahamiyat kasb etadi. Buning uchun keng qamrovli hamda kombinatsiyalashgan tuproqqa ishlov berish mashinalari va agregatlari talab qilinadi. Tuproq unumдорligini saqlash, atrof-muhitni himoya qilish va ekologiyani yaxshilash muhim ahamiyat kasb etib, bu gerbitsidlardan minimal foydalanish yoki ulardan to'liq voz kechishni taqozo etadi [5].

Energiya-rusurstejamkorlikka erishishning chora-tadbirlari hamda yo'llari (2-rasm) quyidagilardan tashkil topgan:

ilmiy jihatdan-tuproqni ekishga tayyorlashning energiya-resurstejamkor yangi texnologiyalarni ishlab chiqish va joriy etish; innovasion mashina va quollarni tadbiq qilish,

texnik jihatdan-kombinatsiyalashgan, ko'pfunksiyali tuproqqa ishlov berish mashina va aggregatlardan foydalanish; universal mashina va quollarni qo'llash;

tashkiliy ishlab chiqarish jihatdan-tuproqni ekishga tayyorlash texnologiyalarini takomillashtirish; tuproqqa ag'darib va ag'darmasdan ishlov berishni almashlab qo'llash;

iqtisodiy jihatdan-ma'naviy eskirgan texnikalarni o'z vaqtida modernizatsiya qilish; yetishtiriladigan mahsulot tannarxini kamaytirishdan iborat [6].



2-rasm. Energiya-rusurstejamkorlikka erishish yo'llari va chora-tadbirlari.

NATIJA: Bugungi kunda olimlarning tinimsiz izlanishlari asosida tuproqqa ishlov beradigan va uni ekishga tayyorlaydigan energiya va resurstejamkor kombinatsiyalashgan tuproqqa ishlov berish mashinalariga qo'yiladigan talablar ishlab chiqilgan. Bunda barcha talablar o'zaro bir-biri bilan bog'liq bo'lib, bitta texnologik operatsiyani amalda joriy etishda u boshqa texnologiyalar bilan ham kesishadi. Natijada, ular umumiy xarajatlarni kamaytirish, tuproq unumdonligini saqlash va hosildorlikni oshirish kabi yagona maqsadga erishishga qaratiladi. O'z navbatida, ushbu talablarning har biri ma'lum parametrlar bilan tavsiflanadi [7]:

texnologik-tuproq unumdonligini saqlagan holda texnologik operatsiyalarni bir vaqtda bajarilishini ta'minlaydigan maksimal mukammallik;

texnik-oddiy konstruksiyali, ishchi qism va detallarni o'zaro almashinuvchanligi, barcha uzel va mexanizmlarga texnik xizmat ko'rsatish va ta'mirlash imkoniyati mavjudligi, agregatning minimal uzunligi, massasi va mumkin bo'lgan maksimal kenglik;

energiyatejamkorlik-bir nechta operatsiyalarni bir vaqtda bajarilishini birlashtirish imkoniyati mavjudligi, minimal yonilg'i-moylash materiallari sarfi;

resurstejamkorlik-mashina va quollarning metall hajmining minimal sarfi;

foydanish-xavfsiz, yuqori manevrli, har xil relefli maydonlarda ishlashga qodir, maksimal samarador, texnologik operatsiyalarni yuqori sifatli bajaradigan, keng doirada rostlanadigan, texnik ishonchli;

iqtisodiy-texnik vositalarning minimal qiymati va foydanish xarajati.

XULOSA: Tadqiqotlar natijasiga ko'ra: Mutaxassislar va tadqiqotchilarining kuzatishlariga ko'ra, samarali energiya-resurstejamkor texnologiyalardan foydanish agregatlarni daladan o'tishlar sonini kamaytiradi, tuproqqa ishlov berishni minimallashtiradi va uning unumdonligini saqlab qoladi, atrof-muhit ifloslanishining oldini olish; Resurstejamkor texnologiyalar tuproqni ekishga tayyorlashda yonilg'i va xom ashyo materiallarini eng kam sarf qilishi, mehnat sarfini kamaytirishi, hosildorlikni oshirishi, tabiiy resurslarni tejashi, tuproqni ekologik himoya qilishi va atrof-muhitga zarar yetkazmasligi zarur.

Foydalanilgan adaboyotlar:

1. Ramzanov O., Yusupbekov O. Tuproqshunoslik va dehqonchilik "Sharq" nashriyoti Toshkent-2003.
2. Ravshanov H.A. Tuproqni takroriy ekinlar ekishga tayyorlaydigan texnik vositalarni ishlab chiqishning ilmiy-texnik yechimlari: Diss. texn. fan. dokt. - Toshkent, 2020. – 206 b.
3. Курдюмов В.И., Зыкин Е.С. Энергосбережение при гребневом возделывании пропашных культур// Аграрный научный журнал. 2015. - №4. - С. 52-56.

4. Милюткин В.А., Цирулев А.П. Возможности повышения продуктивности сельхозгодий влагосберегающими технологиями высокоэффективной техникой <<AMAZONEN-WERKE>> // Материалы международной научно-практической конференции: Современное состояние и перспективы развития агропромышленного комплекса. - Курганская ГСХА им. Т.С. Мальцева, 2016. -С. 220-224.
5. Милюткин В.А., Толпекин С.А., Орлов В.В. Энерго-ресурсо-влагосберегающие технологии в земледелии и рекомендуемые комплексы машин// Материалы Международной научно-практической конференции: Стратегические ориентиры инновационного развития АПК в современных экономических условиях.-Волгоград: Волгоградский ГАУ, 2016. - С.232-236.
6. www.agro.uz